



Broj: **03/1-50-14-7-47/18**

Sarajevo, 15.5.2018.

**Predmet:** Posjeta članova Zajedničke komisije za odbranu i sigurnost BiH sjedištu Direkcije za koordinaciju policijskih tijela BiH

Dana 13. marta 2018. godine članovi Zajedničke komisije za odbranu i sigurnost BiH posjetili su sjedište Direkcije za koordinaciju policijskih tijela BiH. Delegaciju Zajedničke komisije, u kojoj su bili Sifet Podžić, predsjedavajući, i Mario Karamatić, član Zajedničke komisije, primio je direktor Direkcije Mirsad Vilić sa saradnicima.

Radna posjeta sjedištu Direkcije obavljena je u skladu s Godišnjim planom rada za 2018. godinu s ciljem sagledavanja aktuelnog stanja, sticanja uvida u stepen koordinacije u radu policijskih tijela BiH i saradnje s policijskim agencijama i institucijama iz sektora sigurnosti.

Direktor Vilić upoznao je članove Zajedničke komisije s aktivnostima Direkcije, kao i sa izazovima s kojima se susreću policijski službenici u svakodnevnom radu. Razmijenjena su mišljenja o postojećim zakonskim rješenjima i nadležnostima u sektoru sigurnosti u Bosni i Hercegovini, te potrebi njihove dosljednije primjene i blagovremene dogradnje.

Razgovarano je i o brojnim aktivnostima koje se realiziraju u saradnji svih relevantnih subjekata iz sektora sigurnosti. Također je data puna podrška nastavku saradnje putem kanala INTERPOL-a i EUROPOL-a, a koja se odvija posredstvom Direkcije. Članovi Zajedničke komisije izrazili su interesovanje i za osiguravanje trajnog smještaja Direkcije.

Tokom posjete članovi Zajedničke komisije obišli su Operativni centar Direkcije za koordinaciju policijskih tijela BiH gdje su bili u prilici sresti se i s predstavnicima policijskih agencija iz sastava Ministarstva sigurnosti BiH, entitetskih ministarstava unutrašnjih poslova kao i dijela kantonalnih ministarstava koje su neposredno angažirane na izvršenju konkretnih zadataka.

Članovi Zajedničke komisije izrazili su zadovoljstvo povodom postignutih rezultata Direkcije u proteklom periodu, te su dali punu podršku daljnjem radu, kao i budućim planiranim aktivnostima u skladu sa strateškim dokumentima Direkcije.

**PREDSJEDAVAJUĆI KOMISIJE**  
**Sifet Podžić**

Dostavljeno:

- naslovu
- a/a